

Co financiamento de:



Santiago de Compostela, 5 de xullo de 2023

O Gabinete de Igualdade do Sindicato Nacional de CCOO de Galicia, en colaboración coa Secretaría de Mulleres, igualdade e políticas LGTBI+, informa:

A Consellería de Política Social e Xuventude acaba de publicar no DOG nº 126 (martes, 4 de xullo de 2023) as axudas anuais para a conciliación das familias en períodos de necesidade por enfermidade ou vacacións. A seguir, resumimos o máis destacado destas axudas, que se outorgan ata finalizar o orzamento.

PROGRAMA BONO CONCILIA FAMILIA (2023)
***Axudas económicas para a conciliación en situacións puntuais
e períodos de vacacións escolares das familias***

Orde do 22 de xuño de 2023, publicada no DOG nº 126, de martes 4 de xullo de 2023, pola que se establecen as bases para a concesión das axudas económicas ás familias para a conciliación en situacións puntuais e períodos de vacacións escolares a través do programa Bono Concilia Familia, e se procede á súa convocatoria para o ano 2023 (código de procedemento BS412A).

QUE NECESIDADE DE CONCILIACIÓN COBRE ESTA AXUDA?

Destínase esta axuda ás familias con nenos e nenas residentes en Galicia de ata doce anos de idade, estes incluídos, para a atención de necesidades de conciliación de carácter puntual ou durante os períodos de vacacións escolares, que teñan lugar entre o 1 de xaneiro e o 8 de setembro de 2023.

A orde recolle o que se entende por períodos de vacacións escolares:

- ⇒ do 1 ao 6 de xaneiro
- ⇒ os días 20, 21 e 22 de febreiro
- ⇒ do 3 ao 10 de abril
- ⇒ do 22 de xuño ao 8 de setembro

Entende a orde que as sucesivas situacións de necesidade de conciliación dunha mesma unidade familiar xeran unha nova solicitude.

A QUEN SE DESTINA?

A axuda destínase a pais/nais e persoas titoras de nenos e nenas de ata doce anos de idade, estes incluídos, ou a persoas que teñan en situación de acollemento familiar ou garda con fins adoptivos a nenas ou nenos que residan na Comunidade Autónoma de Galicia e estean nos supostos seguintes:

- a. Que o neno ou a nena sexa menor de trece anos no momento en que se produce o suposto para o cal se solicita a axuda.
- b. Que ambos os pais/nais, persoas titoras, acolledoras, gardadoras con fins adoptivos, familias monoparentais ou pais/nais con custodia non compartida estean efectivamente traballando, tanto no suposto de solicitudes por enfermidade ou accidente do neno ou nena como por necesidades en períodos de vacacións escolares.

Nos supostos de custodia compartida, este requisito entenderase referido ao tempo en que esta se exerza efectivamente e, nestes casos, cada pai/nai deberá presentar unha solicitude individual.

QUEN TEN DEREITO?

Para poder optar a esta axuda, as familias deberán acreditar que están nun dos seguintes supostos:

<p>1. Necesidades puntuais por:</p>	<ol style="list-style-type: none">1.1. Enfermidade ou accidente do neno ou nena ou da persoa coidadora habitual.1.2. Asistencia da persoa coidadora habitual a entrevistas de traballo ou cursos de formación que impidan a atención do neno ou nena.1.3. Situacións puntuais de carácter laboral da persoa coidadora habitual que impidan a atención do neno ou nena.1.4. Situacións puntuais de coidado de familiares, do neno ou nena ou da persoa coidadora habitual ata o segundo grao de parentesco por consanguinidade ou afinidade, sempre que impidan a atención do neno ou nena por parte da persoa coidadora.
<p>2. Necesidades en períodos de vacacións escolares:</p>	<p>Prodúcense cando os centros educativos están pechados por vacacións, sempre que ambos os pais/nais, persoas titoras, acolledoras, gardadoras con fins adoptivos, familias monoparentais ou pais/nais con custodia non compartida acrediten que, por motivos laborais, non poden facerse cargo da atención do neno ou nena.</p>
<p>3. Os seguintes gastos derivados dos medios empregados para a atención de nenos e nenas de ata doce anos de idade, estes incluídos, nos supostos previstos no número anterior e realizados dentro do período indicado:</p>	<ol style="list-style-type: none">3.1. Contratación laboral dunha persoa empregada do fogar de forma temporal para o coidado do neno ou nena. Consideraranse tamén as ampliacións horarias de contratos laborais preexistentes que se realicen con esta finalidade no que se refire á dita ampliación.3.2. Contratación de servizos de atención á infancia a domicilio.3.3. Asistencia a servizos de conciliación autorizados pola Consellería de Política Social e Xuventude, en concreto, atención en ludotecas, espazos infantís ou servizos complementarios de atención á infancia previstos na sección quinta do capítulo III do Decreto 329/2005, do 28 de xullo, polo que se regulan os centros de menores e os centros de atención á infancia.3.4. Asistencia a campamentos ou outros recursos de conciliación colectivos especificamente organizados por calquera persoa física ou xurídica, pública ou privada, para a atención dos nenos e nenas nos períodos de vacacións escolares.

CAL É A CONTÍA?

A axuda consistirá nunha achega que pode acadar ata o 100 % do custo das actuacións previstas no artigo anterior. A contía máxima da axuda será:

- a) De 500 euros por unidade familiar no caso de contratación dunha persoa empregada do fogar ou de servizos de atención á infancia a domicilio.
- b) De 200 euros por cada neno ou nena no caso de asistencia a servizos de conciliación autorizados pola Consellería de Política Social e Xuventude ou a campamentos ou outros recursos de conciliación colectivos especificamente organizados para a atención dos nenos e nenas nos períodos de vacacións escolares.

É COMPATIBLE CON OUTRAS AXUDAS?

⇒ A percepción destas axudas é compatible con outras subvencións, axudas e ingresos ou recursos para a mesma finalidade, procedentes de calquera outra Administración ou ente público ou privado.

⇒ No caso de percibirse outras axudas, deberase acreditar documentalmente a súa natureza e contía.

En ningún caso o importe das axudas concedidas ao abeiro desta orde poderá ser de tal contía que, illadamente ou en concorrencia con subvencións ou axudas, supere o custo do servizo recibido.

As familias deberán presentar, xunto coa solicitude, unha declaración comprensiva de todas as axudas e subvencións solicitadas

CANDO A PODES SOLICITAR?

O prazo de presentación de solicitudes comezará comeza hoxe, 5 de xullo, e finalizará o día 15 de setembro de 2023.

ONDE SE FAI A SOLICITUDE?

As solicitudes presentaranse obrigatoriamente por medios electrónicos a través do formulario normalizado dispoñible na sede electrónica da Xunta de Galicia.

Para a presentación das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario/a e clave Chave365 (<https://sede.xunta.gal/chave365>).

Os enderezos electrónicos para obter documentación normalizada ou información (incluídos os modelos de solicitude) son os que seguen:

012@xunta.gal
familia.ctb.vigo@xunta.gal
administrativos.familia.coruna@xunta.gal
familia.politicasocial.lugo@xunta.gal
familia.politicasocial.ourense@xunta.gal

CÓDIGO DE PROCEDIMENTO

BS412A.

PARA MÁIS INFORMACIÓN

O prazo para resolver e notificar a resolución das axudas será de tres meses contados desde o día seguinte ao da data en que a solicitude teña entrada no rexistro do órgano competente para a súa tramitación.

Transcorrido o dito prazo sen se ditar resolución expresa, as solicitudes poderán entenderse desestimadas.

Para calquera información adicional, podes poñerte en contacto co Gabinete de igualdade de CCOO de Galicia no correo electrónico: gabineteigualdade@galicia.ccoo.es